



Sel Prestuhn Thomas S. Monson

El Moulyak!

Kuclyuck oalallah se ke litutacng in Istub se emet ab pa top nub ke kihsen siyuck se lal Job, "Kuh mwet se fin misac, yac el kuh in sifil moulyak?"

Toeni na wo se pa inge. In aholah mwet nuh kwewa suc wi mukwikwi ke kahs kuh on uh, oa Prestuhn luhn Alu uh, nga sulacalah in fahk ke pacl se inge kahs na luo, suc etweyuck muh pa kahs luo ma yohk srihpac emet ke kahs English uh. Nuh sel Tahmtahel Cheryl Lant ac mwet kahsruh lal an, kwaer, mwet orek on an, mwet sramsram an, kahs ingacn pa "Kom Kuloh."

Yac pucspucs somlah ah, ke nga oasr London, Englah ah, nga som muhtwacta ke acn in sroal kahto se pahngpahng Tate. Sroal sel Gainsborough, Rembrandt, Constable ac mwet sroal pwengpweng sahyac srihpsrihpyak lin rum puhkantwen. Nga intei kahtoiyacn sroal inge ac akihlen luhpan suhmaht ma enenweyuck in oraclah sroal na kahto inge. Likiyucki ke pihsinkac na mihs se ke twek ahk tolu ah, sroal se pwenlah muhtuhk ac uslah insiuck.

Mwet sroal, Frank Bramley, el srolwacлах lohм puhsisacl se suc an ngwet nuh meoa na rihpihkpihk se. Muhtwacn luo, ninac se ac muhtwacn se kiyacn mukul pahtuhr tuh-lac se, nuh topangi ac tuhpan fong na fohn se elan fohlohk. Inge lwene-lihk, ac eltahl akihlenwack lah el tuh-lac meoa ac elac tiac fohlohk. Sikuckmuhtuhnte sissen ninac-in-loh se kiyacn ah, insifacl toplac fin niyacn muhtwacn mahtuh sac, muhtwacn fuhsr sac tuhng ke ahsor uh. Candle fototoi se fin winto sac fahkwack na lah eltahl tuhpan pacl na loeloes se.

Nga puhlakihn ahsor luhn muhtwacn fuhsr sac; nga puhla suhpwacr lal uh. Sihm in ahkuhtweyac na kahlwem se ma mwet sroal sac sang nuh ke sroal se lal inge sruh-muhn sramsram na suhpwacr se inge. Sihmlac: *A Hopeless Dawn*.

We, oacna fuhkah luhpan sruhn-fuhsr luhn muhtwacn fuhsr se inge

nuh ke puhla wo, finne in sikyak na pwacye, ke "On" se lal Robert Louis Stevenson ah:

Selub sac oasr lohм ab, fohlobk nub lohм ab meoa me, Ac mwet srob kosro ab, fohlobk nub lohм ab infabfabl ab me.¹

Ke ma pwacye nuh kwewa ke moul in sikawihl uh, wacngihn ma muhnguhiyuck na pwacye oacna misac uh. Misac uh ac tuhkuh nuh sin mwet nuh kwewa; "mwet nuh kwewa eis usru kac. Misac uh kuh in uslah mwet uh ke pacl na ahowo kuh fuhsr we ah; [misac uh kuh in tuhkuh] ke pacl na yohk srihpac luhn mwet se; kuh misac uh ac sikyak ke pacl se mahtuhuh uh oruh fasrfasrlah insifacln mwet uh; sahp ac sikyak ke srihpen ongaiyac kuh mas, ... kuh ... ke srihpen ma sikyak ke moul uh; tuhsruhк misac uh enenuh na in tuhkuh."² Tiac kuh in kahingkihnyucklac ahsor na upac se ma tuhkuh ke misac uh ac, yohkiyac na ke mwet fuhsr se pa misac uh, ke sahflah tiac kuh in akihlenyuck finsrak uh, finsrak ma tiac kuh in oreklac ac finsrak ma wacngihnlac uh.

Yac oasr sie mwet, suc sun misac luhn sie mwet eltahl luhngse kuh, pwacye na, suc akihlenwack lah el ac fah misac pac, suc soenna motkolah lah meac oan tukun mwe lihsrlihsr se ma sraclihk ma kuh in liyeyuck uh liki ma tiac kuh in liyeyuck uh?

Yac siofok ekahsr somlah ah, mukul se Job uh—suc ahkinsewowoyeyuck ke pacl loeloes se ke mwe kahsruhь nuh kwewa, in sokwack muhkwenah lah el kweoklacna ke ma nuh

kwewa ma kuh in sikyak nuh sin sie mwet—wi kawuck lal ah muhta ac fahklah kihsen siyuck na pweng-pweng se, “Kuh mwet se fin misac, yac el kuhh in sifil moulyak?”³ Job el fahklah ma se suc mukul kuh muhtwacn mouh nuh kwewa sahyac motko uh.

Ke litutacng in Istuh wolacna se inge, nga ke nuhnkuh wihn kihsen siyuck se lal Job inge—“Kuh mwet se fin misac, yac el kuh in sifil moulyak?”—ac usot top ma tuhkuh ke nuhnak yohk ac oacyacpac ke kaks ma ahkkahlwemyeyuck sin God. Ngac muhtwacwacack ke ip na yohk srihpac uh.

Fin oasr pactuhn se ke facluh se suc kuht muhta kac inge, enenuh in oasr Mwet Oraclah se. Suc kuh in liye ma usrnguck pucspucs yen engyeng uh a suhlahlahlfongi lah oasr pactuhn se nuh muhtuhnfac uh nohfohn? Suc kuh in suhlahlahlfongi lah oasr Mwet Oraclah se?

Ke puk luhn Genesis, kuht lotwelah lah Mwet Oraclah Wo se oraclah kuhrao ac facluh: “Facluh wacngihn luhmah ac wacngihn koano. Lohsr mahtoltol afuhnlah acn loal uh, ac Nguhn luhn God apihsyac fin kof uh.”

“Lwelah in oasr kahlem,” Mwet Oraclah Wo sac fahk, “ac kahlem uh sikyak.” El oraclah lihrlisr se. El sraclihk acn uh liki kof uh ac fahk, “Lwelah facluh in ahkkapye kain in mah nuhkwewa ac kain in sahk nuhkwewa, na sikyak oacna.”

El oraclah kahlwem luo—faht ac mahlwem uh. Na El oraclah itu uh. El pahngon ma mouh inkof uh ac won uh in sohk lucng fin facluh. Na sikyak oacna. El oraclah ma muhna, ma lwemnak, ac ma orahkrahk uh. Oraclah uh apkuhran in sahflah.

Tukun ma nuhkwewa, El oraclah mwet uh oacna luhmahl—mukul ac muhtwacn—kuh ac fah oasr yurohlos fin ma mouh nuh kwewa sahyac.⁴

Mwet uh muhkwena pa eis suhmaht uh—brain se, nuhnak, ac nguha. Mwet uh muhkwena, ke ohiyac wo inge, kuh in luhlhlahlfongi ac finsrak, ke mokleyuck ac ma finsrakkihyuck uh.

Suc kuh in akuhkuhin lah sie mwet, orekma wowo se emet luhn Mwet Oraclah se, suc oasr kuh la fin ma mouh nuhkwewa, suc oasr brain ac kuh la, suc oasr nuhnak ac nguha, suc suhmaht ac wolacna, ac misac ke pac se nguha uh som liki mahno uh?

In kahlwem ke kalmacn misac uh, kuht enenuh in sruikihn srihpem mouh uh. Luhlhlahlfongi uh enenuh in tuhpan kahlwem yohk se ma tuhkuh ke fwackyuck uh, suc kuht etuh lah kuht mouh met liki isuslac lasr nuh ke mouh sikawihl uh. Ke ohiyacn mouh lasr met ah, kuht wi inmahsrloh tuhlih mukul ac muhtwacn luhlhlahlfongi nuhtin God suc salac ke engan ke srihpem pac wo in tuhkuh nuh ke mouh sikawihl upac tuhsruhk enenweyuck se inge.⁵

Kuht etuh lah sripac lasr uh pa in eis sie mahno, in kuhtanglah ma upac, ac in ahkpwacyei lah kuht ac karuhnguahnwacng masap luhn God. Pahpah tuhmasr El etuh lah ke srihpem ohiyacn mouh sikawihl uh, kuht ac srihfeyuck, ac oruh ma koluk, ac sesuwohs. Tuh kuht in muh kuh in kuhtanglah, El acse sie Mwet Lahngo, suc ac kweok ac misac kacsr. El tiac iwe muhkwena ma koluk lasr uh, tuhsruhk oacna sie ip ke Iwacrah sac, El oacyacpac kuhtanglah misac luhn mahno suc el sun ke

srihpem Puhtatlac se lal Adam ah.

Ohinge, loes liki yac tausin luo somlah ah, Kraist, Mwet Lahngo lasr, el isuslac nuh ke mouh in ikwac ke iwen kosro se Bethlehem. Messiah suc palyeyuck ke pac loeloes ah tuhkuh.

Arulacna srihklac ma sihmlac ke Jisus el srihk ah. Nga luhngse pohloh kaks se sel Luke: “Ac Jisus el kapkapwack in lahlmwetmwet ac in luhmahl, ac el arulacna ohi yurin God ac yurin mwet uh.”⁶ Ac ke puk luhn Orekma, oasr sie pohloh kaks fototo kacn Mwet Lahngo suc arulacna yohk kalmac: “El tuh forfor in acn nuhkwewa ac oruh ma wo.”⁷

El pacptaisyucklac sel John ke Infac Jordan. El pahngonwack Mwet Sap Singucu Luo ah. El ahkinsewo-woye mwet mas. El oraclah mwet ul in fahsr, mwet kun in liye, mwet sohlohng kaks in lohng. El oacyacpac ahkmoulyeack mwet misac. El luti, El fahkwack ac El oraclah mwe srihkarak na suwohswohs se kuht in ukwe.

Na orekma ke mouh in mahno luhn Mwet Lahngo luhn facluh apkuhranyang nuh ke sahflahiyac. Mongo in ekuh sahflah se yurin Mwet Sap lal ah orek ke rum se ke twek se lucng. Met oh na pa Gethsemene ac sahksin Calvary.

Wacngihn mwet kuh in nuhnkwelah kwewa yohk srihpaciye ma suc Kraist el oraclah nuh sesre e Gethsemene ah. Tohkohyang El sifacna ahkuhtweyac ma puhlakihnyuck inge, fahk lah kweok Lal ah oruh El, finne God, suc kuhlacna liki nuh kwewa, in rarrar ke srihpem waek, in srah kahkkahk ke mahnoh nohfohn, ac in kweok ke kwewana mahno ac nguha.⁸

Tukun kweok se Gethsemene ah, inge el muhnahtlah, El lihksreni na sruhuh ac utucklac nuh ye muhtahl Annas, Caiaphas, Pilate ac Herod. El nuhnunhweyuck ac ahksruhksruhkyeyuck. Puohpoh upac tahfwe-lah in ahkmuhnahtsyelah mahno na waek se Lal ah. Srah ah sohrohr nuh ten ke muhtahl ke ma fakfuhk ituckyang nuh insifacl, fakihsyac motonsrol. Na, El sifilpac utucklac nuh yurohl Pilate, suc lohng sasa luhn un mwet ahngyahng koluk ah: “Sruhpsruhkwack, sruhpsruhkwack.”⁹

Acnwuck el ke mwe puohpoh le-ather kwekwe ma osra kohsroh ac sri wotwotyang nuh kac. Tuyak liki ahkkweok inge, fahsr tikuckluc El sifacna us sahksin Lal nwe ke na El tiac kuh in fahsr nuh met ac siepac-na mwet sahyac us ma toasr Lal ah.

Sahflahiyac, ke eol se pahng-pahng Calvary, ke mwet ukwe ah tu na liye ma inge, mahno kihnetuh se Lal ah pakpucki nuh ke sahksin sac. El ahksruhksruhkyeyuck ac selngawiyuck ac ahngonyuck. Tuhsruhkh El salac, “Pahpah, nuhnak muhnaht nuh selos, tuh elos tiac etuh ma elos oruh uh.”¹⁰

Ao in kweok uh somlah ke El apkuhran in misac. Ke oaluh paholah tuhkuh kahs inge, “Pahpah, Nga acsot nguhnihk nuh in Poum. El fahklah ma inge, na el misac.”¹¹

Ke mihs ac monglac luhn misac Tuhlallah liki kweok luhn mouli sikawihl, El fohlohklac nuh yurin Pahpah Tuhmwacl.

Ke kihtin pacl sahflah sac, Mwet Luti El kuh in forlah fohlohk. Tuhsruhkh el tiacna. El sahtlah ye ma nuh kwewa, tuh Elan kuh in molwe-lah ma nuh kwewa. Mahno misac se Lal ah silahklahk tuhsruhkh ohi in li-

kiyucki ke sie luhf ma ituckyang.

Wacngihn kahs ke ma suhmuhslah luhn mwet luhlalfongi Kraist ma yohk kalmeyac sihk liki na kahs ma fwacklac sin lipufacn sac nuh sel Mary Magdalen ac Mary se ngiah suc tuhng, ke lwen se emet ke wik sac, eltahl fahsryak nuh ke luhf sac in karihngihn monun Leum lalos. Lipufacn sac fahk:

“Efuh kowos kuh suk el suc mouli inmahsrton mwet misac?

“El tiac oasr inge, el ahkmoulyeyuckyak tari.”¹²

Mwet Lahngo lasr el sifilpac mouli. Ma sikyak wolacna, ac ahkkweyeyuck se emet ke ma sikyak nuh sin mwet uh ke e ke pacl mahtuh me ah sikyak—kuhtanglah fin misac. Waek ac kweok e Gethsemene ac Calvary ah iyyucklac. Molwelah luhn muhtuhnfacn uh karihngihnyuckyang. Puhtatlac se lal Adam ah ahkwoyeyucklac.

Luhf wacngihn koano se ke litu-tacng in Istuh sac pa top se nuh ke kihsen siyuck se lal Job ah, “Kuh mwet se fin misac, yac el kuh in sifil moulyak?” Nuh suwos kwewa suc kuh in lohng puhsrwek nga fahklah, Mwet se fin misac, el fah sifil mouli. Kuht etuh, tuh oasr yurohsr kahlwem ke ma pwacye ma ahkkahlwemyeyuck uh.

“Tuh oacna ke misac tuhkuh ke sie mwet, in luhmah sacna moulyak liki misac tuhkuh pac sin sie mwet.

“Tuh oacna ke mwet nuhkwewa misac ke srihpen kuhpahsr lalos nuh sel Adam, in luhmah sacna mwet e nuh kwewa fah ahkmoulyeyuckyak ke srihpen kuhpahsr lalos nuh sin Kraist.”¹³

Nga riti—ac nga luhlalfongi—fahkwack ke luhlalfongi kuh lalos

suc puhlakihn ahsor ke misac luhn Kraist ac engan ke sifil moulyak Lal ah. Nga riti—ac luhlalfongi—fahkwack ke luhlalfongi kuh luhn mwet ke Facl Sasuc se suc Leum El muhtwacta yuroh tukun El sifil moulyak ah.

Nga luhlalfongi fahkwack ke luhlalfongi kuh luhn sie mwet suc, ke lwen sahflah inge, sramsram nuh sin Pahpah ac Wen ke insahk se suc inge pahngpahng Muhtahl ac suc acsacng mouli lal, akucliyac luhlalfongi kuh lal ke srahl.

El fahklah tukun luhlalfongi kuh pucspucs fwacklac Kaccl, el acse luhlalfongi kuh se inge, tukun ma nuh kwewa: Lah Mwet Lahngo El mouli!

Tuh el liyac ke lwacpo lacyot luhn God ac lohng sie puhsra suc ahkpwacyeye ma sihmilac lah el pa Wen Se Fanna Isuslac nuhtin Pahpah.¹⁴

Lohsr luhn misac uh kuh in ukohkyak ke kahlwem ke ma pwacye ma ahkkahlwemyeyuck uh. “Nga pa ahkmoulyauk mwet uh liki misac nuh ke mouli,”¹⁵ Mwet Luti el fahklah. “Nga fihliyac mislac yuruwos. Misac luhk sifacna pa nga acsot nuh suwos.”¹⁶

Ke yac pucspucs inge nga lohng ac riti fahkwack ke luhlalfongi kuh luhn mwet na puhkantwen, suc akacsruhi nuh sihk sin kais sie mwet suc fahkwack ke pwacyeyacn sifilpac moulyak sac ac suc eis, ke pacl na yohk enenuh laltahl we ah, mislac ac puhla wowo ma uliyuck sin Mwet Lahngo.

Nga ac fahklah na kuhtuh ip ke ma inge. Wik na luo somlah ah nga eis lwacta na mokleyuck se sin pahpah se tuhmwacn tuhlihkh itkohsr suc sihm sruhmuhn sucu se lal ah ac, yohkiyac na, tuhlihkh mukul se nahtuhl pahngpahng Jason, suc

maswack ke el matwac yac 11 ah. Ke yac ekahsr tohkoh ah, mas se lah Jason inge fohlohkyak pacl puh-kantwen. Pahpah se inge fahk ohiyac wo ac engan se lah Jason ah, finne ke el sun ma upac ke mas lal uh. Jason el eis Aaronic Pristut ke el matwac yac 12 ah ac el “kwacna insese in ahkwoyelah kunohkohn lal ke orekma na wowo, finne el puhla muh el kuh kuh tiac.” El eis opi se lal ke Eagle Scout ke el matwac 14 ah.

Suhmuhr tari ah, tiac paht tukun puhtte ahk 15 lal Jason ah, el sifilpac kauli hospital. Ke sie muhtwacta lal yurohl Jason ah, pahpah tuhmwac ah liyaclwack tuh na kauli muhtahl. Tiac etuh lah Jason el mutul na kuh etwac, el muhtwacwacack in kah-kahsrihk sramsram nuh sel. “Jason,” el fahk, “Nga etuh lah kom sun ma upac pucspucs ke moul na fototo se lom uh ac lah upac nuh sum ingena. Finne ac arulacna upac mweun lom metoh, nga tiacna ke kom in suhlahlahlfongi lac sin Jisus Kraist.” El fahk lah el lut ke Jason el silahklahk na ikucslah muhtahl ac fahk, “Ac fah tiac!” ke puhsra na kahlwem se. Na Jason el kaliyac muhtahl ac taic sifil sramsram.

Pahpah se tuhmwac inge suhmuhslah, “Ke fahwack fihswacs se inge, Jason el ahkkahlwemye sie sin fahkwack kuh ac wolacna ke luhlhlahlfongi na fokoko kacn Jisis Kraist ma nga lohng ne inge uh.... Oacna ke fwahkwack se ‘Ac fah tiac!’ se lal inge ikeyucki ke nguhnihk ke lwen sac,

insiyuck sesseslah ke engan lah Pahpah tuhmuhk Inkuhsrao El ahkinsewowoyeyuc in pa pahpah tuhmwacn tuhlihk mukul na wowo se inge.... [Pa] inge pacl sahflah se nga lohng el fahkwack luhlhlahlfongi kuh lal in Kraist.”

Finne sucu lal ah finsrakkihn lah pa inge sie pac pacl in kauli lal hospital ah, Jason el misac apkuhran in sun wik luo tohkoh ah. Tamuhlwel ac tahmtahel mahtuh wiyac ah kuhlwacnsap ke misin ke pacl sac. Tamuhlwel se pac sahyac, Kyle, el tuhfahna in eis pahng in misin lal ah. Pwacye lah, pahng sac sa na tuhkuh ke Ohkohs 5, wik se na met liki Jason el misac ah, sucu uh toeni ke rum se lal hospital ah tuh pahng in misin se lal Kyle ah in ikacklah we in fwack sucu ah nohfohn in etuh kac.

Ke lwacta se lal nuh sihk ah, pahpah sac sang petsac se lal Jason ke bed se lal hospital ah, weacng tamuhlwel mahtuh Kyle tulac sissen bed sac, sruok pahng in misin lal ah. Sihmlac ye petsac sac: “Pahngyak in tuhkweni kuhlwacnsap ke misin laltahl an—ke kwewa na lacfahl ke mwe lihsrihsr uh.”

Tamuhlwel ac tahmtahel se wiyac Jason ma kuhlwacnsap ke misin ah suhpwacalah lwacta in ahkkweye nuh lohmseltahl ah in akacsruhiyuck ke mas se lal Jason ah. Tahmtahel se wiyac ah, kuhlwacnsap ke Argentina Buenos Aires West [Rohtoh] Misin, ke sie ip ke lwacta lal ah, el suhmuhslah: “Nga etuh lah Jisus Kraist El moul, ac ke srihpen El moul, kuht

kwewa, weluhlwacng Jason sacohk lasr, ac fah sifilpac moul.... Kuht kuh in ahkwoyeyuck ke etwacack pwacye se lasr uh lah kuht siliyucki nuh sie oacna sucu ma pahtpaht se.... Kuht fin oruh kuhiyacs in ahkos ac oruh in wolac liki met ah ke moul se inge, kuht fah [sifilpac liyac].” El tahfwelah, “[Sie] ma suhmuhslah suc nga luhngse ke pacl na loeloes ingena oasr kalmac sasuc ac yohk srihpac ke pacl se inge... [Ke] Fwackyuck sapta 21, fuhs 4: ‘El ac fah eelah sroninmuhtahlos nuhkwe-wa. Ac fah wacgihn misac, wacngihn ahsor kuh tuhng kuh kweok, mweyen ma nuhkwe-wa meet ah wacngihnlac.’”

Tamuhlwel ac tahmtahel sacohk wiyuck, ke ao in ahsor yohk lasr uh, kuht kuh in eis mislac na wo ke kahsluhn lipufacn se ke litutacng in Istuh se emet ah: “El wacngihn inge. Ahkmoulyeyuckyak el.”¹⁷

*El molyak! El moulyak!
Pwengwelihk ke puhsrwen engan.
El kabinglac liki srubub lal ke
lwen tolu;
Lwelab faclub nohfohn in kaksak.
Misac kuhtangyucklac, mwet uh
sukobsoklah.
Kraist el kuhtanglah!*¹⁸

Oacna sie mwet loh sacohk Lal fin facluh misenge, ke Sacnri in Istuh wolacna se inge, nga fahkwack lah ma inge pwacye, ke Ine muhtahl Lal—finne inen Jisus Kraist, Mwet Lahngo lasr—amen.

MWE KAHSRUH AN

1. Robert Louis Stevenson, "Requiem," in *An Anthology of Modern Verse*, ahkphotoyeyucklac sel A. Methuen (1921), 208.
2. James E. Talmage, *Jesus the Christ*, Sihmlah ahk 3 (1916), 20.
3. Job 14:14.
4. Liye Genesis 1:1–27.
5. Liye Job 38:7.
6. Luk 2:52.
7. Oreckma 10:38.
8. Doctrine and Covenants 19:18.
9. Luk 23:21.
10. Luk 23:34.
11. Luk 23:46.
12. Luk 24:5–6.
13. 1 Met Korint 15:21–22.
14. Doctrine and Covenants 76:22–23.
15. John 11:25.
16. John 14:27.
17. Mattu 28:6.
18. "He Is Risen!" *Hymns*, ahk 199.

Luti nuh ke Pacl Lasr uh

Mwe luti ke Melchizedek Pristut ac Rilif Sosaiti ke Sacnri ahk ahkosr ac fah pakpucki nuh ke "Luti nuh ke Pacl Lasr uh." Kais sie mwe luti uh kuh in ahkoeyucklac ke sie kuh puhs liki sie sin mwe sramsram ma utuckuh ke toeni luhlahp se ma tuhfhahna in tari ah. Prestuhn luhn stek ac tistririk kuh in sulacalah lah piyac kac sramsram ma ac orekmakihnyuck uh, kuh eltahl kuh in sang kunohkohn se inge nuh sin pisap ac prestuhn luhn pracns an. Mwet kol an enenuh in ahkkahlwe-mye yohk srihpaciyac tuh tamuhlwel ke Melchizedek Pristut ac tahmtahel ke Rilif Sosaiti in lutlutkihn sramsram ma oacna sie ke Sacnri sac pac na.

Elos suc wi nuh ke mwe luti ke Sacnri ahk ahkosr an kwacfeyuck in lutlut kac ac us nuh ke kuhlahs an mackuhsin se ke toeni luhlahp se ma tuhfhahna in tari ah.

Mwe Kahsruh in Ahkolah Mwe Luti ma tuhkuh ke Sramsram uh

Pruhe tuh Nguhn Muhtahl ac fah wi kom ke kom lutlutkihn ac luti sramsram uh. Kom ac sahp

srihfeyuck in ahkoe mwe luti uh orekmakihn kuhfa sahyac, tuhsruhk sramsram ke toeni uh pa mwe luti ahkkweyeyucklac uh. Ma kunom pa in kahsruh mwet sahyac an in etwac-lah ac muhta na ke wosasuc oacna ke lutiyuck ke toeni luhlahp se ma tuhfhahna in tari luhn Alu uh ah.


Sifil intei sramsram an, suk ip yohk ac mwe luti ma falyang nuh ke enenuh luhn mwet ke kuhlahs an. Suk pac sramsram, mwe kahsruh ma suhmuhlah, ac pohloh kahs ke sramsram ma ac fah kahsrwe kom in luti ma pwacye inge.

Oraclah sie tahk ke ohiyacn luti ke ip yohk an ac mwe luti an. Tahk se lom ingacn enenuh na in oasr kihsen siyuck ma ac kahsruh mwet ke kuhlahs an:

- Suk ip yohk an ac mwe luti an ke sramsram uh.
- Nuhnkuh kalmeyacn ma ingacn.
- Akacsruhi ke etatwen, nuhnak, ma puhlakihnyuck, ac luhlahlfo- ngi kuh an.
- Orekmakihn ip yohk ac mwe luti inge ke moul lalos an.

MAHLWEM	KUHFA IN LUTI NUH KE SACNRI AHK AHKOSR
Mei 2010– Ohktoha 2010	Sramsram ma sihmlac ke Mei 2010 <i>Liahona</i> *
Nohfuhmpuh 2010– Eprel 2011	Sramsram ma sihmlac ke Nohfuhmpuh 2010 <i>Liahona</i> *

*Sramsram inge oasr (ke kabs pucspucs) e ke conference.lds.org.



Prestuhn Henry B. Eyring

Mwet in Kahsruh Se Met ke Prestuhnsi Se Met

Kahsrweltahl nuh Lohm Selos

Kuht kahsruh tublihk nuhtin God wo emet ke kuht oraclah inkacnek in muhsabeack lublahlfongi ke Jisus Kraist ac wosasuc Lal ma sifilpac fohlokhnyuckyak ke eltahl srihk ub.

Tamuhlwel ac tahmtahel an, Pahpah tuhmasr Inkuhsrao El luhngse ac enenuh kahsruh lasr in sifilpac use tuhlihk nguhn Nahtuhl nuh lohmuh nuh Yohrohl. Nga sramsram mihsenge ke mwet fuhsr ma oasr tari ke Alu pwacye Lal ac suc muhtwacwacack fahsr tari ke inkacnek suwohs ac ohsrihksrihk in fohlohk nuh lohmu Inkuhsrao selos an. El luhngse elos in eis kuh ke ip luhn nguhn ke elos fuhsr an in muhtana ke inkacnek soko an. Ac el enenuh kahsruh lasr in fohlohkohnohl-tahl ma nuh ke inkacnek uh in sa fin elos muhtwacwacack in tuhlac.

Nga tuh pisap fuhsr se ke nga muhtwacwacack in liye kahlwem lah efuh Leum El luhngse kuht in ahkkweye tuhlihk uh ke elos fuhsr

ac in sa iweloslac. Nga ac sruhmuhn nuh suwos soko sramsram ke sie tuhlihk ma ahollah mwet pucspucs suc nga srihke in kahsruh ke yac somsomlah ah.

Sie muhtwacn muhta ke la tepuh soko luhk ah. El sruhmuhn nuh sihk ke moullal ah. El pacptaislac ac ahkkweyeyucklac oacna sie mempucr ke Alu uh ke el yac alkosr ah. Wacngihn sronin muhtahl ke el sifilpac sruhmuhn ke yac longoul kuhtuh tohkoh ah, tuhsruhkoasr ahsor ke lihkihn puhsrwacl. El fahk lah inkacnek ke ma koluk lal ah muhtwacwacack ke sulaclah in wi mwet ma el nuhnkuh muh mwet pwacr uh. El muhtwacwacack in kuhnahoslah ma emet ke muhtwacwacackiyac an ma oacna

masap ma oacna in tiacna yohk srihpac sel.

Met el puhla suhpwacr kuhtuh ac kihtin puhla suhfal. Tuhsruhkin wi kawuck lal an sang sie puhla sasuc in luhngseyuck el oruh in suk in auliyak ke puhlan pacl sacn oacna in ti-lac yohk srihpac. Ke yohk srihpaciyac luhn masap uh yohkyohkwac-lihk kuhnausyac sel, mwemwe ke sie lohman engan ma pahtpaht uhfahsr in wacngihnlac.

El muhta forma nuh yuruk ke ma el pahngon ahsor uh. El ke nga in molwellah liki sruhf luhn ma koluk ma el puhlakihn tanilyac sifacna uh. Tuhsruhkin kacnek sefanna nuh sel pa in ahkyohkye luhlahlfongi lal ke Jisus Kraist, in oasr inse muhsahllah, in auliyak, ac ke inkacnek se inge in nwacsnwacslah, eklac, ac ahkkweyeyucklac ke Iwacalah luhn Leum. Nga fahkwack luhlahlfongi kuh luhk nuh sel lah ma ingacn kuh in sikyak. Ac kuh na pwacye in sikyak, tuhsruhkin ac upac na pwacye likina in sa ahkyohkye luhlahlfongi ke moullal ke fuhfahsryucsr nuh lohmu uh nuh yurin God ac ke el tuhfahna muhtwacwacack in tuhlac uh.

Na, kuht kahsruh tuhlihk nuhtin God wo ke kuht sang inkacnek in muhsahelah luhlahlfongi ke Jisus Kraist ac wosasuc fohlohkyak Lal ke elos fuhsr an. Ac kuht enenuh in sa kahsruh ahksasucye luhlahlfongi ingacn met liki wacngihnlac ke elos tuhlac liki inkacnek uh.

Na, nga ac kom kuh in etuh sie pacl wowo ma apkuhran in kalweniyuck in kahsruh mwet forfor inmahsrion tuhlihk nuhtin God uh. Mwet Lahngo El fahk nuh sesr lah

efuh kuht enenuh in kalweni pacl wowo in kahsrüh mwet sahyac an ke El ahkuhtweyac fuhfahsryucsr sensen nuh lohmu uh nuh sin tuhlihk nguhn nuh kwewa nuhtin God ke infulwen ma koluk ac Setuhn el orwaclah an:

“Utyak ke muhtuhnpot ohsrihk-srihk mweyen muhtuhnpot nuh in hell uh sroalacp, ac inkacnek nuh kac uh fihswacsr, ac puhs mwet fahsr kac;

“Fuhnuh muhtuhnpot nuh ke moul uh ohsrihksrihk, ac inkacnek nuh kac uh upac, ac puh na mwet konwacack.”¹

In liye enenuh luhn tuhlihk Nahtuhl an, Pahpah Lucng luhngse se fihliyac mwe kol ac mwet in molwelah ke inkacnek lalos an. El suhpwacma Wen Nahtuhl, Jisus Kraist, in orwaclah fahsr wowo uh in sikyak ac kuh in liyeyuck. Pahngpahng el in oruh sie mwet pahluh Lal in pacl inge, Prestuhn Thomas S. Monson. Ke pacl el fuhsr ah, Prestuhn Monson el tiac luti muhkwenah ohiyacn muhtana ke inkacnek uh tuh-sruhke in molwelah elos suc kolyuck-lac nuh ke ahsor.

Pahpah Lucng El fihlikuhti ke kain in ohiyac in ahkkweye ac, ke pacl enenuh an, in pwen mwet fuhfahsryucsr an in sef. Kunohkohn yohk srihpac ac fokoko emet an oasr in sucu uh. Elos yohk srihpac ke srihpen oasr pacl wowo luhn sucu uh ke muhtwacwacackiyen moul luhn ahwowo se in fihliyac niyacen ahwowo sacn in wo nuh ke inkacnek lal nuh lohmu sel inkuhsrao an. Pahpah ninac, tamuhlwel ac tahmtahel an, pahpah ac ninac mahtuh an, ninac pahpah

wiacl pahpah ninac an, oreklac in fokoko in kol ac mwet molwelah ke kuhpahsr ke luhngse ma ahkuhtweyac atac pwacye ke sie sucu an.

Oasr ma pwacr luhn sucu an ke yac alkosr emet ke moul luhn tuhlihk se uh. Ke yac in karihngihnyuck ingacn, ke srihpen Iwaclah luhn Jisus Kraist, Setuhn el tiac kuh in orekmakihn infulwen acn lohmu uh in okanlah inkacnek in fohlohke nuh lohmu ah uh. Ke yac yohk srihpac ingacn, Leum El kahsrüh sucu an ke el pahngon mwet orekma ke U luhn Tuhlihk Srihsrihk in kahsrüh ahkkweye tuhlihk an ke ip luhn nguhn. El oacyacpac sang mwet sruok Aaronic Pristut an in oruh kuhfa luhn Leum. Ke pruhe ke kuhfa luhn Leum an, tuhlihk an lohng olwelah ma elos kuh in eis Nguhn luhn God an elos fin ahkostwen nuh ke masap luhn God. Pwacnwacng, elos kutong mwe sruhke ke ac tuhkuh an, kuhtuh pacl ke pacl fahsrüh uh, in som nuh ke molwelah mwet sahyac an.

Pisap pucspucs ke Alu uh mokleyuck in pahngon mwet fokoko ke ward an in kuhlwasnsapuh kais sie tuhlihk ke U luhn Tuhlihk Srihsrihk an. Elos akihlen lah fin tuhlihk ingacn ahkkweyeyuck, ke luhlalhfongi ac fahkwack luhlalhfongi kuh an, elos fah enenuh mwet in molwelah oacna mwet fuhsr an. Elos ac akihlen sie pwelucng fokoko ke nguhn ma kuh in orwaclah eklac ke sie moul uh.

Kuht nuh kwewa kuh in kahsrüh. Ninac mahtuh an, pahpah mahtuh an, ac mwet nuh kwewa ma etuh muh sie tuhlihk kuh in kahsrüh uh. Elos tiac enenuh in

oasr sie kunohkohn fal ke U luhn Tuhlihk Srihsrihk an. Oacyacpac pa pacl wowo in sang kahsrüh ke matwac fal an. Kain muhtwacn se, oacna sie mwet fuhsr, el oasr ke u luhlalhp luhn Tuhlihk Srihsrihk ma kahsrüh orwaclah pohloh kahs luhn CTR (SMP).

El tiacna ullac in kuhlwasnsapuh tuhlihk uh. El luti Tuhlihk Srihsrihk ke ward lal an, ke siyuck lal sifacna nuh ke el apkuhran in matwac yac 90. Tuhlihk srihsrihk an kuh in puhla luhngse lal nuh selos an. Elos liye srihkasrak lal an. Elos lotwelah sel ke ip yohk fihswacsr ke wosacuc luhn Jisus Kraist. Ac yohk liki nuh kwewa, ke srihpen srihkasrak lal, elos lotwelah in puhlakihn ac akihlen Nguhn Muhtahl. Ac ke elos puhla ac akihlen mokleyuck luhn nguhn Muhtahl, elos muhtwacwacack eis luhlalhfongi ma elos enenuh in sang lain mwe sruhke an. Elos ac tiac arlac enenuh in moliyucklac ac enenuh in ahkolah wo nuh ke molwelah mwet sahyac an.

Nga lotwelah kuh ke luhlalhfongi srihsrihk ke pruhe uh ac ke Nguhn Muhtahl ke tuhlihk nahtuhsr uh srihk uh. Tuhlihk mukul mahtuh se nahtuhsr an soenna pacptaislac. Pahpah ninac kiacl an, mwet luti Tuhlihk Srihsrihk an ac mwet kol ke pristut an srihke in kahsrwel puhla ac akihlen Nguhn ac in etuh ohiyacn eis kahsrüh Lal an.

Sie tahfuhn lwen tok ah, muhtwacn kiyuck ah usacl nuh ke lohmu se sin sie muhtwacn ma lotwel in rit. Plwacn se lasr ah pa ngan srakuhlwasck ke ngwac fohlohke

liki orekma nuh lohmu ah uh.

Mwe luti lal an sana sahflah likina ma kuht etuh an. El puhla luhlhlafongi lah el etuh inkacnek nuh lohmu ah uh. Na, el muhtwacwacack in fahsr. El fahk tok lah el luhlhlafongi na pwacye ac luhngse nuhnak se ma lacn muhkwenan ke muhtwacta sacn. Tükun el som apkuhran nuh ke tuhfuhn mael ah, muhtwacwacack in lohshlah. El muhtwacwacack puhlakihn lah el srwackna loesalah nuh lohmu ah.

El srwackna kuh in esam lah kahlwem ke stosah an ke elos kahsrühr ahluhkwel an srweyac sronin muhtahl. El puhla oacna sie tuhlihk srihsrihk, tilac tuhlihk mukul luhlhlafongi se ma muhtwacwacack in muhkwenan fahsr nuh lohmu ah ah. El akihlen lah el enenuh kahsrüh. Ma se tuhkuh nuh ke mwe esam lal ah. El etuh lah el enenuh in pruhe. Ac el som liki inkacnek an ac fahsr nuh sisten kuhtuh sahku ma el tiac kuh in liye ke lohsh ah. El sokwack acn se ac sikuck muhtuhntei.

Inmahsrön sahku fototo ingacn, el kuh in lohng puhsra ma tuhkuh nuh sistack ah. Mwet fuhsr luo lohng ke el tuhng ah. Ke eltahl tui ac, elos fahku, “Kuht kuh in kahsrwe kom?” Ke el tuhng ingacn el fahku nuh seltahl lah el tuhlac ac el ke som nuh lohmu ah. Elos siyuck fin el etuh tacluhfon nempuh kuh acn nuh lohmu sel ah. El tiac etuh. Elos siyuck fin el etuh inel. Elos pwacnuhl nuh lohmu seltahl ah, suc oan fototo. Elos sokwack inen sucu lasr ah ke sie puk in tacluhfon.

Ke nga eis pahng sac ah, nga silahklahku nuh ke molwelah sac,

tarilacna lah God El fihliyac kain mwet inge ke inkacnek nuh lohmu ah uh. Ac, nga kalweni in tarilacna lah lutiyuck el in pruhe ke luhlhlafongi lah kahsrüh uh fah tuhkuh ke lac tuhlac uh. Luhlhlafongi kohlohl nuh ke pain moullac ac sang nuh sel mwet in molwelah yohku likina el kuh in wacklah uh.

Leumu El fihliyac sie pactuhn in molwelah ac mwet molwelah ke tohkohsrahi Lal an. Ke lahlmwetmwet Lal, Leumu El mokle mwet kuhlwacnsap Lal in orwaclah kuhtuh mukwikwi fokoko emet ke Alu uh in ahkkweye kuht, ac in pahngon mwet molwelah wowo emet an, ke kuht ahluhkwelah yac in mwet fuhsr an.

Kom etuh luo mukwikwi nguhn- nguhn ma oreklac sin Leumu uh. Sie, nuh sin Muhtwacn Fuhsr an pa pahngpahng, “Personal Progress.” Ma se sahyac an, nuh sin mwet sruok Aaronic Pristut an, pahngpahng, “Duty to God.” Kuht ahkkweye mwet fuhsr ke fihl fahsrüh an in liye kuhiyaclos in muhsahi nguhn in ahkkweye fokoko an. Ac kuht fahku nuh suwos suc nuhnkuh ke mwet fuhsr an in oruh ma ma Leumu El sapkihn nuh sesr in kahsrwelos kac. Ac ke pac fahsrüh luhn Alu uh luhlhlafongwaclos uh, kuht nuh kwewa nuhnkuh pac.

Mukwikwi luo uh ahkkwoyeyucklac tuhsruhku srihpac lalos an tiacna eklac. Prestuhn Monson el fahku ohinge: kuht enenuh in “lotwelah ma kuht enenuh in luti uh, oruh ma kuht enenuh in oruh uh, ac in oruh ma kuht enenuh uh.”²

Puk srihsrihk ke Personal Progress nuhtin muhtwacn fuhsr an

orwaclah srihpac an in kahlwem nuh selos: “Mukwikwi ke Personal Progress ma orekmakihn ma yohku srihpac alkosr luhn Muhtwacn Fuhsr an in kahsrwe kom kahlwem kac lah suc kom an, efuh kom oasr fin fac-luh, ac meac kom enenuh in oruh oacna sie tuhlihk muhtwacn nuhtin God in ahkolah nuh ke lwen ma kom ac som nuh in tempuhl in orwaclah olwelah muhtahl an.”

Puk srihsrihk se inge fahku lah muhtwacn fuhsr an fah “orwaclah olwelah an, usaclos, ac ripohrti orwaclah lom an nuh sin pahpah ninac kuh sie mwet kol an.” Olwelah pac muh, “Pactuhn ma kom ahksahfyelah ke kom orekma ke Personal Progress an—ma oacna pruhe, lutlut ke ma suhmuhslah, kuhlwacnsap, ac liyacacng ma sihmihsyuck an—fah oruh ohiyac se lom ke lwen nuh kwewa. Ohiyac inge fah ahkkweye fahkwack luhlhlafongi lom an ac kahsrwe kom in lutlut ac orwaclah wo ke moul lom an.”³

Mukwikwi ke Kunohkohn nuh sin God luhn mukul fuhsr ke Aaronic Pristut ahkkweyeyuck ac ahkfihsrwacsryeyucklac. Ac fah kalweniyuck ke sie puk srihsrihk nuh ke ohfohs tolu nohfohn luhn Aaronic Pristut an. Mukul Fuhsr ac mwet kol lalos an fah eis sie kapi ke puk sasuc se inge. Mwe orekma yohku srihpac se. Ac fah ahkkweye fahkwack luhlhlafongi luhn mwet fuhsr ac kuhpahsr lalos nuh sin God uh. Ac fah kahsrwelos in luti ac luhngse in ahkfalye kunohkohn lalos ke pristut. Ac fah ahkkweye kuhpahsr lalos nuh sin pahpah ninac kiyaclos an,

inmahsrln mwet ke u an, ac mwet kol lalos an.

Kwewana mukwikwi inge sang pacl wowo yohk nuh ke kuhiyacn mwet fuhsr an sifacna. Solsol elos in luti ac oruh ma ma ac upac nuh sin mwet nuh kwewa uh. Ke nga srihke in esamwack pacl fuhsr luhk sifacna ah, nga tiac kuh in esam in oasr ma upac sikyak luhk. Oh, ke kais kuh-tuh pacl, solsol nga in ahksahfyelah ma upac ingacn tuhsruhke ke kais kuhtuh pacl na. Kain mukwikwi inge enenuh in oasr suwohs, kuhiyac nohfohn, kapwack luhn lutlut ac puhla ke nguhn ke yac sac.

Ke nga motko kac ah, nga akihlen lah koanon puk srihksrihk inge sie ma ahollah ke ma luhn mahno uh ke luhlalfongi luhn Leum ke fihl fahsruh uh ac nuh kacsr nohfohn suc luhngse mwet fuhsr ingacn uh. Ac nga liye ma sikyak kac an lah luhlalfongi uh akwucki wo.

Ke muhtwacta luhk uh nga liye u luhn Aaronic Pristut ke orekma uh. Nga liye mukul fuhsr an ke ukwe pactuhn ke lutlut, orwacnah plwacn in oruh ma God El luhngse selos an, na som oruh ma elos olwelah in oruh an, ac fahk nuh sin mwet sahyac an ke ohiyacn eklac lalos ke ip luhn nguhn an. Ac ke nga liye ac lohng uh, arlac kahlwem lah pahpah an, ninac an, ac mwet kol an, kawuck an, ac finne mwet tuhlan ke alu an, mokleyuck ke Nguhn ke elos lohng mwet fuhsr fahkwack ohiyacn elos ahkkweyeyuck. Mwet fuhsr uh sruhkyuckyak ke elos oruh fahkwack luhlalfongi ac oacyacpac elos suc srihke in kahsrwelos in mayak uh.

Oasr lun mukwikwi luhn Muhtwacn Fuhsr uh kuh sacn pacna ke pactuhn in ahkyohkye ahkkweye ke ip luhn nguhn ke muhtwacn fuhsr an ac in sang pacl wowo nuh sesr in kahsruh. Personal Progress kahsruh Muhtwacn Fuhsr an in ahkolah in eis akwuck muhtahl lun tempuhl an. Elos kahsrweyuck ke srihkasrak luhn ninac an, ninac mahtuh an ac muhtwacn suwohs nuh kwewa raunweloslac ke Alu an. Nga liyac ohiyac ma pahpah ninac an kahsruh tuhlihk muhtwacn an in ahksahfyelah finsrak ac mwemwe lal an ke akihlen ac luhngse ma wo nuh kwewa ma el oruh an.

Lwen ekahsr somlah ah nga liye sie ninac wi tuhlihk muhtwacn se nahtuhl tu ke elos tuhkwani eis opi lalos ke Young Womanhood Recognition ah. Ac ke elos akacsruhi nuh sihk kalmeyacn ma ingacn nuh selos uh, nga puhla orwacnah wowo ac ahkkweyeyuck luhn Leum nuh sesr nohfohn.

Kahsruh nuh kwewa ma kuht kuh in sang nuh sin mwet fuhsr uh, ma yohk se emet an pa in lwelah elos in puhla luhlalfongi lasr uh lah elos oasr ke inkacnek nuh lohm ah nuh yurin God ac lah elos kuh in orwacnah. Ac kuht oruh ma ingacn ke kuhiyacsr ke kuht weluhlos uh. Ac ke srihpen inkacnek an loalloal ac kuh-tuh pacl yotyot uh, kuhtuh pacl uh elos ac puhlakihn sepuhlaik ac finne tihkuclkuclyak. Kuhtuh pacl uh elos ac fohsack ke fuhfahsryucsr lalos an ac forfor suk finsrak ma wacngihn srihpac. Mukwikwi mokleyuck an oruh oacna in tiac ke srihpen ac fah

kol mwet fuhsr an in suli ac eis wi luhn Nguhn Muhtahl uh.

Kahs in kahsruh ma wo emet nuh sesr in sang nuh sin mwet fuhsr uh pa lah elos kuh in sifacna fohlohk nuh yurin Pahpah Lucng ke elos kolyuck ac ahksuwohsyeyuck ke Nguhn luhn God uh. Na, fin kuht lahlmwetmwet, kuht ac ahkkweye, kahksakihn, ac sang srihkasrak nuh kwewa ma suli wi luhn Nguhn Muhtahl uh. Ke mwet fuhsr uh akacsruhi yohrohsh ke ma elos oruh ac puhla uh kuht oacyacpac enenuh in fal in eis Nguhn Muhtahl uh. Na, elos fah puhlakihn kaksahk lasr ac isrwacsr srihsrihk lasr uh pa ahkkweyelah luhn God. Ac, kuht fin puhla enenuh in sang kahs in kahsruh suwohs uh, elos fah puhla luhngse lasr ac luhngse luhn God ke kahs in kahsruh lasr uh, elos ac puhla nuhnuh-kweyuck ac sruhngwacyuck ma fin ma inge sikyak, kuh in oruh Setuhn elan kohlohloslac nuh acn loeslac.

Srihkasrak ma elos enenuh yohk sesr an pa in oruh ma elos enenuh in oruh uh. Kuht enenuh in pruhe nuh ke mwe sang luhn Nguhn. Kuht enenuh in motko ke ma suhmuhs-lah uh ac ke kahs luhn mwet pahluh mouh uh. Kuht enenuh in orwacnah plwacn ma in tiac finsrakihn muhkwenah tuhsruhke ke olwelah an. Na kuht enenuh in liyacacng olwelah lasr nuh sin God uh. Ac kuht enenuh in sruhke mwet sahyac an ke kuht akacsruhi yohrohsh ke mwe insewowa luhn Iwacnah ma tuhkuh nuh ke mouh lasr uh.

Ac kuht enenuh in srihkeyac srihkasrak ke mouh lasr sifacna

luhlalfongi fal ac kalweniyuck
ma Leum El kena sesr uh. Ke
kuht oruh uh, kuht fah kahsrwelos
in puhla ke Nguhn sie kahlwem
lah elos fin kampare elos fah
lohng kahs sin sie Mwet Lahngo
ac Pahpah Lucng luhngse:
“ . . . Orwacalah wo, kowos mwet
kuhlwacnsap wowo ac yohk
luhlalfongi la: yohk luhlalfongi
lowos ke ma pucspucs, nga fah
orwacalah kom in sie mwet kol ke

ma pucspucs: kowos in utyak ke
engan yurin Leum lowos.”⁴ Ac kuht
fah kahsrwelos in lohng kahs
ingacn ke engan.

Nga fahkwack lah Leum El luhng-
se kom ac tuhlihk nuh kwewa nuh-
tin God uh. Pa inge tohkohsrahi Lal
ma fohlohkihnyuckyak wi ki luhn
pristut sel Mwet Pahluh Joseph
Smith uh. Thomas S. Monson pa
mwet pahluh luhn Leum mihsenge
uh. Nga olwelah nuh suwos kais sie,

ke kom ukwe kolyuck ma mokle-
yuck ke Alu pwacye luhn Jisus Kraist
inge, mwet fuhsr lasr uh, kuh in pa-
in moullac nuh in lohnm sesr yurin
Pahpah Lucng ac Mwet Lahngo, in
suculac muhta ac ke engan ma paht-
paht. Ke inen Jisus Kraist, amen.

MWE KAHSRUH AN

1. 3 Nephi 14:13–14.
2. Thomas S. Monson, “To Learn, to Do, to Be,” *Liabona*, Nohfuhmpuh 2008, 67.
3. *Personal Progress luhn Muhtwacn Fuhsr* (puk srihsrihk, 2009), 6.
4. Mattu 25:21.